

**KANTON SARAJEVO
KANTONALNA JAVNA USTANOVA
ZA ZAŠTIĆENA PRIRODNA PODRUČJA**

**P R A V I L N I K
O ČUVANJU I UPOTREBI PEČATA KANTONALNE JAVNE
USTANOVE ZA ZAŠTIĆENA PRIRODNA PODRUČJA**

Sarajevo, mart 2010 godine

Na osnovu člana 27. Zakona o ustanovama („Službeni list R BiH“ br. 6/92, 8/93 i 13/94), čl. 11., 13., 26. i 49. stav 1. Pravila Kantonalne Javne ustanove za zaštićena prirodna područja i člana 2. Zakona pečatu Kantona Sarajevo ("Službene novine Kantona Sarajevo" broj: 3/09 - Prečišćeni tekst), Upravni odbor Kantonalne javne ustanove za zaštićena prirodna područja na četrnaestoj sjednici održanoj 11.03.2010. godine, d o n o s i

P R A V I L N I K

O ČUVANJU I UPOTREBI PEČATA KANTONALNE JAVNE USTANOVE ZA ZAŠTIĆENA PRIRODNA PODRUČJA

I – OPĆE ODREDBE

Član 1.

Pravilnikom o čuvanju i upotrebi pečata Kantonalne javne ustanove za zaštićena prirodna područja (u daljem tekstu: Pravilnik) utvrđuje se oblik i sadržaj pečata, čuvanje i upotreba pečata, kao i druga pitanja od značaja za provođenje ovog Pravilnika.

II- OBLIK I SADRŽAJ PEČATA

Član 2.

Kantonalna javna ustanova za zaštićena prirodna područja (u daljem tekstu: Javna ustanova), posjeduje 2 (dva) pečata i to:

- veliki pečat u obliku kruga prečnika 50 mm i
- mali pečat prečnika 30 mm.

Član 3.

U prvom koncentričnom krugu pečati sadrže tekst: "Bosna i Hercegovina- Federacija Bosne i Hercegovine", u drugom koncentričnom krugu tekst: "KANTON SARAJEVO" ispisan velikim slovima i u trećem koncentričnom krugu pečati sadrže tekst: "KANTONALNA JAVNA USTANOVA ZA ZAŠTIĆENA PRIRODNA PODRUČJA- SARAJEVO".

Nazivi iz naprijed navedenog teksta pečata ispisuju se istovremeno latinicom i ćirilicom u koncentričnim krugovima. U sredini pečata je grb Kantona Sarajevo.

III- ČUVANJE I UPOTREBA PEČATA

Član 4.

U radu Javne ustanove koriste se oba pečata.

Pečatom rukuje i upotrebljava ga direktor Javne ustanove.

Pečatom može rukovati i upotrebljavati službeno lice Javne ustanove koje ovlašćuje posebnim rješenjem direktor Javne ustanove.

Član 5.

Pečati se čuvaju i upotrebljavaju u prostorijama Javne ustanove, a u posebnim slučajevima van prostorija kada treba izvršiti određene poslove van zgrade Javne ustanove.

Direktor Javne ustanove odlučuje o upotrebi pečata van prostorija zgrade.

Član 6.

O pečatima Javna ustanova vodi evidenciju koja sadrži: datum nabavke i broj dokumenta, otisak istih, početak upotrebe, ko je zadužen i kada je stavljen van upotrebe odnosno uništen.

Član 7.

Pečati se moraju čuvati i upotrebljavati na takav način da se onemogući njihova zloupotreba.

Pečati se čuvaju u metalnoj kasi u Javnoj ustanovi.

Poslije upotrebe, tokom radnog vremena, kao i poslije isteka radnog vremena, pečati se odlažu i pohranjuju u kase koji se zaključavaju.

Član 8.

Pečat koji je zbog istrošenosti ili zbog drugih razloga postao neupotrebljiv, kao i u slučaju promjene naziva i sjedišta Javne ustanove, mora se odmah uništiti o čemu se stara lice koje rješenjem odredi direktor Javne ustanove.

Pečat se smatra neupotrebljivim zbog istrošenosti ako se iz njegovog otiska jasno ne vidi tekst koji daje otisak pečata.

Uništavanje neupotrebljivih pečata vrši Ministarstvo pravde i uprave Kantona Sarajevo.

Član 9.

Nestanak pečata mora se odmah prijaviti Ministarstvu unutrašnjih poslova Kantona Sarajevo i oglasiti nevažećim u "Službenim novinama Kantona Sarajevo".

Nestali pečat smatra se nevažećim od dana oglašavanja u "Službenim novinama Kantona Sarajevo", a u slučaju kasnijeg pronalaza, nevažeći pečat će se uništiti.

Novi pečat koji se izrađuje umjesto nestalog pečata mora biti posebno označen.

IV- ČUVANJE I UPOTREBA ŠTEMBILJA

Član 10.

U Javnoj ustanovi postoji štembilj četvrtastog oblika. U prvom redu je ispisano malim slovima: "Bosna i Hercegovina – Federacija Bosne i Hercegovine", u drugom redu velikim slovima je ispisano: " KANTON SARAJEVO", dok je u trećem redu velikim slovima ispisano: "KANTONALNA JAVNA USTANOVA ZA ZAŠTIĆENA PRIRODNA PODRUČJA". Ispod teksta je ispisano malim slovima broj i datum.

Štembilj u Javnoj ustanovi se koristi za prijem pošte, a čuva se na način kako je to predviđeno ovim Pravilnikom za čuvanje pečata.

IV – OSTALE ODREDBE

Član 11.


Izmjene i dopune ovog Pravilnika vrše se po postupku i na isti način kao što je donesen.

Član 12.

Ovaj Pravilnik stupa na snagu danom donošenja.

Broj: 76/10
U Sarajevu, 11 .03.2010. godine

**PREDSJEDNIK
UPRAVNOG ODBORA**


Miladin Vidaković, dipl. politolog

